

南平縣志卷之

人物

文學

自書契之制聿興金石之文斯廣揚玉馱而並
馳總金羈而齊驚轡虎握蛇軌躅競尙矣夫言
本心聲而文爲道券名賢規學祇在敦倫飭紀
之中碩儒修詞不越型仁教孝之旨擷其華則
僞體乎實則真輪轅之飾信弗庸也然往往有
咕嗶半生齟齬隻字或迺天稟通敏搜網淵瞻
於是登著作之堂而總其菁英詳其藻絢用克
經緯天地彌綸區宇埒清美於前修敵芳譽於
來葉文名之成亦豈偶然哉志文學

南平縣志

卷之十三

文學

人物

文學

宋

王端

胡璞

黃卓

張顯甫

游敬仲

王端字道源嘉祐八年進士講學最為范祖禹所

重

胡璞字器之熙寧三年進士博學工詩嘗經采石

渡題詩用李白云抗議金蠻反見仇一杯蟬退

南平縣誌

卷之十三

文學

二

此江頭當時醉弄波間月今作寒江萬里流蘇

軾見之疑唐人所作歎賞不置

黃卓字德美博學能文尤長於詩時稱騷壇元白

朱熹嘗為題其延平春望圖

張顯甫字敬之十歲通九經傳記淳熙十四年成

進士嘗受業於朱子與游敬仲為同門友朱子

嘉其篤志

元

張本字在中元統元年會試以蒲輪賦得高選登

進士第官至寧都州判官

明

吳恭

朱成文

子廷獻

林應芳

父緒

張體中

黃起莘

趙弼

郭顯

吳恭字敬昭天性孝友篤志尚學沒於世務家業

悉讓二兄永樂丁酉舉於鄉考選才學舉人賜

冠帶讀中秘書戊戌成進士官翰林院庶吉士

延入入翰林自恭始與修宣宗實錄以疾歸授

南平縣誌

卷之十三

文學

三

餘干教諭致仕卒有學古齋集

朱成文字希純嘉靖壬子舉人授於潛令究心理

學時與田一菴王龍溪錢緒山講學天真書院

著讀書會要越閩議畧天目劍津會語鍾臺問

答續壤瑣吟藝林枝語等集子廷獻字蓋卿萬

歷癸酉鄉薦丁丑副榜著有啟莊文稿

林應芳字茂實甘貧力學父緒歲貢以文學稱任

安化訓導卒於官應芳方弱冠扶父柩遇颶風

忽作抱棺溺湖中俄觸沙畔得起歸葬如禮由

選貢訓温州修雁蕩山志遷吉安教諭教授南安所在以講明道學爲已任後以老乞歸猶教誘不倦

張體中字居靜賦性簡澹淹貫經史由歲薦歷香山宣城福寧學正學博行端著有經書講意洪菴詩集溟螺集藏於家

黃起莘字思衡爲諸生屢試高等鄉試輒中副車壯年失偶不再娶弟亡遺二女皆厚奩遣之當歲薦讓友者再始就貢司訓莆田所取皆知名

南平縣誌

卷之十二

文學

四

士他庠問奇者雲集遷泰寧諭以骯髒解組歸著有書經正說說鈴四書詩經講義及詩文集趙弼字輔之自號雪航博學多識尤邃易學學者稱爲雪航先生著有雪航膚見等集今通鑑有雪航趙氏史評卽其人也

郭顯字如晦由歲貢授處州司訓未幾乞歸聚徒講學郡守鄒雅重之一日聞講聖門一貫之旨及動以天論恍然有得貽以詩曰聖道原來本自天曾參一唯悟天然那知發論千年後却羨

心孚萬古先冉冉文華妍似錦滔滔筆勢動如
泉好將此妙傳新進忠恕都希動以天

國朝

林就日

邱三捷

蕭泳

官志涵

馮上瓊

林就日邑庠生姿性聰穎好學洽聞著有太極圖
說元祐黨人碑贊胡傳刪補春秋講義若干卷
邱三捷字子升順治丁酉舉人知宿遷縣受事初
值黃河衝潰蔡家樓地五口橫決三捷身先衆

南平縣誌

卷之十三

文學

五

役一夜塞五決口以能吏加一級歲饑分賑賑
給男女不紊人沾實惠復以宿地宜粟不宜稻
徵漕易米維艱詳請改粟部覆允行遂爲成例
以抗直忤上官歸杜門讀書著述自娛有閒吟
雜著文藝作述仕學說等編

蕭泳號柳溪康熙癸巳年舉人任溧水知縣六年
致仕歸善詩古文著有柳溪集遊武夷草

官志涵字靜夫少豪邁不羈辛酉選拔入京師乃
斂飭恂恂爲儒者由教習諭連江庚辰鄉薦聯

取進士第授翰林院檢討大學士劉公尙書觀
公保舉御史已引 見記名未幾假歸聚徒講
學於蓬萊諭學者以立品爲先未嘗私干當道
甲辰建溪暴漲漂流男婦無數積尸徧河干公
爲買山於城之東郊置義塚收殮以數百計自
爲文以祭之生平工書善屬文不再脫稿乙酉
同邑請修邑誌有懷金求錄者公正色曰名豈
可買耶其人慚而去誌成未及付梓今藏其稿
於家

南平縣誌

卷之十三

文學

六

馮上瓊字元璞由歲貢選福寧府寧德縣學訓導
勤於課士不問修脯及老告歸囊底蕭然回梓
後仍設館授徒來學者甚衆爲人忠厚正直步
趨不苟鄉閭咸推重焉年九十一歲以壽考終